

Limba giapponese

Sa **limba giapponese** (日本語 nihongo?) est una limba chistionada in Giappone e in paritzos locos a ube sos giapponesos fin disterràos.



Articulu in nugoresu



Su giapponesu, paris chin sas limbas ryūkyūanas, sun parte de sa familia limbistica de sas limbas nipponicas. Dae su puntu de bista filogeneticu su giapponesu, a su solitu, si tenet a cussideru comente limba isulada, ca non fachtet a che bocare a campu s'orizine sua. Calicuna teoria pessat chi su giapponesu tenzat radichinas a comunu chin sa limba ainu (faveddada oje in diè dae paca zente in s'isula de Hokkaidō), chin sas limbas austronesianas oppuru chin carchi limba de su grùstiu uralu-altaicu. Si tenen meda prus a contu sas urtimas duas ipotesis: medas, tra sos limbistas, pessan chi su giapponesu tenzat unu substratu austronesianu chin carchi elementu de superstratu de orizine uralu-altaica. Làdinos sun sos assimìzos chi tenet su giapponesu chin su coreanu, sèndebi sas differentzias prus mannas in su pianu morfologicu-lessicale.

Paritzos istudiosos imprèan su faveddu "protogiapponesu" (dae s'inglesu *Proto-Japonic*) pro inditare sa protolimba de tottus sas variedades de sas limbas modernas de su Giappone, est a nàrrer sa limba giapponese de commo, sos limbazos de su Giappone e tottus sas limbas chi si chistionan in sas isulas Ryukyu.

Dae su puntu de bista tipologicu su giapponesu tenet medas características chi sun propias de sas limbas agglutinantes de tipu SOV, chind un'istruutura "tema-cummentariu" (pretzìsu meda a su coreanu). Sa presentzia de carchi elementu caracteristicu de sas limbas flessivas at ispintu a medas limbistas a pònner su giapponesu in intro de su grùstiu de sas limbas "semi-agglutinantes".

Boches curreladas

- Giappone

Bogadu dae "https://sc.wikipedia.org/w/index.php?title=Limba_giapponesa&oldid=140226"

Ùrtima modìfica su 10 Nad 2014, a is 19:47.

Su testu est disponìbile segundu sa litzèntzia Atribuzione Creative Commons-Cumpartzi a sa pròpria manera; si podent aplicare prus cunditziones galu. Abbàida is cunditziones de impreu pro is particulares.